



Broj: 07-45-2450-7/24

Datum: 29.07.2024 godine

Na osnovu odredbi člana 20. Zakona o državnoj službi u Kantonu Sarajevo („Službene novine KS“ br. 31/16, 45/19), čl. 25, 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Službeni glasnik BiH“, broj: 39/14, 59/22), Pravilnika o uslovima i načinu korištenja e-Aukcije („Službeni glasnik BiH“ broj 80/23) na preporuku iz Zapisnika o prijemu i ocjeni ponuda broj: 07-45-2450-6/24 od 29.07.2024. godine direktor Zavoda donosi

ODLUKU **o izboru najpovoljnijeg ponuđača**

Član 1.

Prihvata se preporuka iz Zapisnika o prijemu i ocjeni ponuda o izboru najpovoljnijeg ponuđača, te Okvirni sporazum za javnu nabavku usluga – Usluge čišćenja u objektu Zavoda, dodjeljuje se ponuđaču A&M Company d.o.o. Sarajevo, ponuda broj: 56/24 dostavljena dana 29.07.2024. godine, sa konačnom cijenom ponude u iznosu od 15.000,00 KM bez uračunatog PDV-a na godišnjem nivou, odnosno 17.550,00 KM sa uračunatim PDV-om kao jedinom i najpovoljnijem ponuđaču.

Član 2.

Postupak iz člana 1. ove Odluke proveden je metodom „otvoreni postupak“ za dostavu ponuda, te je nakon otvaranja ponuda trebala biti provedena „e-Aukcija“, a za izbor najpovoljnijeg ponuđača korišten kriterij „najniža cijena“.

Član 3.

U postupku nabavke iz člana 1. ove Odluke zaprimljena je jedna kvalifikovana ponuda ponuđača A&M Company d.o.o. Sarajevo sa cijenom u iznosu od 15.000,00 KM na godišnjem nivou.

U skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“ broj 80/23) u slučaju prijema jedne prihvatljive ponude e-Aukcija se ne zakazuje, nego se postupak okončava u skladu sa članom 69. Zakona o javnim nabavkama stav (1) tačka a) („Službeni glasnik BiH“ broj 39/14, 59/22).

Član 4.

Izabrani ponuđač A&M Company d.o.o. Sarajevo dužan je dostaviti orginale ili ovjerene kopije dokumentacije iz člana 45. Zakona o javnim nabavkama BiH, na protokol Zavoda za planiranje razvoja Kantona Sarajevo, u roku od 5 (pet) dana od zaprimanja ove odluke.

Član 5.

Prijedlog Okvirnog sporazum će se dostaviti na potpis izabranom ponuđaču nakon dostavljene dokumentacije iz člana 45. Zakona o javnim nabavkama BiH.

Član 6.

Ova Odluka objavit će se na internet stranici Zavoda za planiranje razvoja Kantona Sarajevo (www.zpk.ks.gov.ba), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 07-45-2450-1/24 od 08.07.2024. godine.

Javna nabavka je sprovedena putem otvorenog postupka za dostavu ponuda.

Procijenjena vrijednost javne nabavke bez PDV-a je 15.000,00 KM na godišnjem nivou.

Obavještenje o nabavci, broj: 359-1-2-30-3-50/24, objavljeno je na Portalu javnih nabavki dana 09.07.2024.godine. Sažetak Obavještenja o nabavci objavljen u Službenom glasniku BiH, broj: 48/24 od 12.07.2024. godine.

Komisija za nabavku, imenovana je Rješenjem, broj: 07-45-2450-2/24 od 08.07.2024. godine.

Komisija za javnu nabavku dostavila je direktoru Zavoda za planiranje razvoja Kantona Sarajevo Zapisnik o pregledu i ocjeni ponuda, broj: 07-45-2450-6/24 od 29.07.2024. godine, u postupku javne nabavke – Usluge čišćenja u objektu Zavoda.

U postupku je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku zaprimljena 1 ponuda,
- da je blagovremeno zaprimljena 1 ponuda,
- da nije bilo neblagovremeno primljenih ponuda,
- da je ponuda ponuđača A&M Company d.o.o. Sarajevo kvalifikovana i prihvatljiva, da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz Tenderske dokumentacije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Podaci o izabranom ponuđaču: A&M Company d.o.o. Sarajevo, Vilsonovo šetalište br.10, 71000 Sarajevo.

Iz navedenih razloga, primjenom odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Službeni glasnik BiH“, broj: 39/14, 59/22), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Zavoda za planiranje razvoja Kantona Sarajevo, Branilaca Sarajeva br. 26, 71000 Sarajevo.

Žalba se podnosi u najmanje 3 (tri) primjerka.



Dostaviti:

- A&M Company d.o.o. Sarajevo

- Služba za javne nabavke

- a/a

